

Um companheiro do organismo anti-repressivo deslocou-se o passado dia 3 de Janeiro até Barcelona para participar numha charla sobre a repressom na Galiza organizada polo Ateneu Popular Independentista La Torna. Quarenta pessoas assistírom a um acto no que se debulhou a 'Operación Castiñeira', a situaçom d@s pres@s independentistas galeg@s e o contexto repressivo geral que se vive no País. A charla ofrecida no ateneu do bairro de Gràcia foi apresentada por umha activista do organismo anti-repressivo catalám Resgat. Iguamente, os jornais Llibertat e L'Accent –umha publicaçom quinzenal de distribuiçom gratuita da que se editam 5000 exemplares nos Països Catalans- publicárom, respectivamente, um artigo redigido pola nossa associaçom e umha entrevista ao companheiro deslocado ao Principat para expor a realidade repressiva da Galiza.